

**www.e-rara.ch**

**Introductioes Apotelesmaticæ elegantes, in Chyromantiam,  
Physiognomiam, Astrologiam naturalem, Complexiones hominum,  
Naturas planetarum**

**Indagine, Johannes ab**

**[Strassburg], sub annum Domini M. D. XXII**

**Universitätsbibliothek Basel**

Persistent Link: <https://doi.org/10.3931/e-rara-84446>

Epitome quid quisque planetarum in naturis et hominum qualitatibus agat

---

**www.e-rara.ch**

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

---

**Nutzungsbedingungen** Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelnformationen angegeben. Für weitere Informationen siehe auch [Link]

**Terms of Use** This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

**Conditions d'utilisation** Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

**Condizioni di utilizzo** Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

Nati me  
dici.

sim polliceri: si quis Martem habeat cum Venere in sexta, hunc futurum medicum prestantissimum, neque se alio artificio occupare debet huiusmodi. Possem eius rei etiam testes citare tibi viros graues & medicos, quibus quidem proclive est sanare, & citra omnem operam: quibusdam tam graue, ut uix omnibus conatibus aliquid possunt. quorum nomina ideo subticemus: ne cuiquam obtrectari uideamur. Hæc data summam sint, non quo hic singulatim exponamus omnia. Quis hoc tam breuibus posset? Sed quo ansam prebeamus medicis, ut perspecta utilitate Astrologie, hanc incipiant ambabus, quod aiunt, manibus complecti, & non solum e prescriptis hominum preceptiunculis discant opem languentibus ferre, sed suo ipsorum ingenio dispensare sciant queque, absque etiam medicina. Non omnes tales egroti sunt, qui perferre pharmaca possunt. Plerique etiam, plerique obseruatione signorum adduci possunt eo ut reualescant. Rideant nos qui uelint, maxime ἀνοσάτοροι illi, nos sane sincero animo hæc scripsimus, exhibituri propediem maiora. Sic placitum erat primo exponere generalia, postmodum ea ex quibus summa rei propendet.

EPITOME, Quid quisque Planetarum in naturis & hominum qualitatibus agat.

**H**ACTENVS ex membrorum dispositionibus conati sumus uenari hominum ingenia, nunc penitus rem ipsam scrutantes, ad Planetas diuertimus. ut si quid forte in antecedentibus uel pretermisum est, uel frigide & oscitanter dictum, id liquere possit ex consideratione planetarum. Si cui tam uarium est (ut inquit propheta) humanum cor, atque plerumque inscrutabile, quanto magis neruis omnibus conandum, omnis tentanda uia est, ut peruium fiat tandem, simul atque scrutari possit. Adde ad conatum aliquid, dum alia atque alia uia tentat id quod in manibus est. si enim unum non successerit, alterum sane uix potest non euenire. Sic quod physiognomia non quiuimus, id pro uiribus prestabimus in Astrologia naturali, atque id succinctissime. Neque me clam est, quod & ab alijs hæc tractata dudum, & fusius dicta sunt. Sed quod illi prolixis ambagibus, id nos per compendium absoluimus. Aequa autem laus est, primum rei alicuius esse autorem, atque sic tradere inuentum, ut ab pluribus succincte possit, & per compendium intelligi. Et ne uerbosior sim dum uitare uolo multiloquium, precium operæ est, cuiusnam nature sit quilibet planeta explicare. Sol natura sua calidus. Luna minus calida, sed humidior. Saturnus frigidus & siccus. Iupiter calidus & humidus. Mars calidus & siccus. Mercurius anceps est. Et ne quid hic immoremur diu, Mars semper calidus quidem, interdum minus, interdum acrius, alioqui tamen semper siccus. Id quod proclive est cernere in circulo augis in si-

Nature  
Planetarii

gno humido. &c. tunc enim solus humidus est, iuxta quod uel plura habuerit testimonia humectationis. In qualitatibus uero actiuis uigoratur, cum fuerit ascendens in circulo augis. Iupiter & Venus temperate calefaciunt & humectant, Venus tamen cum temperata frigiditate. Si autem fuerint ascendentes, roboratur temperamentum caloris utriusque naturalis uicissim: si descendentes sint, humiditas eorum uigoratur naturalis. Idem de Sole. De Mercurio secus sentiendum. hic cum neque siccus ad modum sit, neque multum etiam gelidus, ascendens tamen calidior efficitur, & grauitate & siccitate siccus. Ediuerso descendens, humidior, pauco permixtus frigore: alioqui tamen plus omnibus alijs mobilior, iuxta naturam signi, & loci in quo est. Iam si iudicium ferre uolueris, planetam ipsum specta dominum natiuitatis. Verbi causa. Demus Solem esse in Leone tempore natiuitatis Petri: ubi nulli refragari licebit, quoniam futurus calidus sit Petrus, & aliquantisper siccus, atque ideo prudentem, sapientem, honestum, superbum facit, gloriam & imperium communiter consequentem. Et ceterorum planetarum dominus est Sol, & in medio locatus tanquam rex eorum. Aliud. Sit luminaticus quispiam. Luna humida est, modicum calefacit, erit igitur natus ille huiuscemodi obnoxius, epilepticus, morbo caduco. Ita si Saturno fuerit subiectus aliquis, hic infrigidat, simul atque exsiccatur: facit ob hoc contemptibilem, cogitandum, tristem, deiectum, solitarium, timidum, suspiciosum, inuidum, & infecundum.

Iudicium  
quomodo  
ferendum.

Iupiter, quia temperate calefacit, & humectat: largitur itaque prudentiam, concordiam, religionem, honestatem, benignitatem. Mars simul & exsiccans & comburens, succendit choleram, furorem, prebet audaciam, robur, superbiam, importunitatem, insolentiam. Ven-

nus quia parum calefaciens, sed plus aequo humectans, efficit potorem, ociosum, uenericum, mansuetum, lusorem.

&c. Solus Mercurius, ut diximus, uti Vertum-

nus quispiam, nunc siccus, nunc humidus & fri-

gidus, instabilia operatur, atque ideo inter-

du pessima. Porro dominum ipsum nati-

uitatis, qualiterque hunc deprehendere

opteat, in sequentibus trademus.

Hæc ut non commentarios scri-

bamus, sed rudimenta, per

compendium dicta

sufficiant.